



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Tractatus De Regimine Ecclesiae Episcopalis In Octo Libros Distributus**

**Antonelli, Giovanni Carlo**

**Velitris, 1650**

De Quarta funerali. Cap. XIII.

**urn:nbn:de:hbz:466:1-11401**

22. n. 22. Menoch. de Arb. Iud. lib. 2. n. 12. An Tertiaria teneantur ad solutionem Quartae? 12. An possint Regulares huiusmodi Tertiarijs sacramenta ministrare.
72. An verò missus in exilium ab aliqua Ciuitate possit mortuus duci ad sepulturam illius Ciuitatis? Resp. non posse Farinas. quæst. 20. n. 130. in fin. Lauor. var. elacubrat. tom. 1. tit. 2. cap. 11. n. 141.

Huiusmodi enim pœna etiã post mortem manet, nec licet eum inde transferre alicubi, & sepelire inconsulto Principe *l. si quis in Insulam ff. de Cadan. punit.* impetranda est igitur licentia à Principe, quæ in huiusmodi casibus negari non debet *l. 1. ff. eod. Farinas. & Lauor. locis citatis.*

### SVMMARIVM.

- 1 Quid sit quarta funeralis.
- 2 In quo consistat quarta funeralis.
- 3 Non debetur de candelis, quas in manibus gestant religiosi, neque de Cereis Confraternitatum.
- 4 Quid veniat sub nomine funeraliũ & num. 5.
- 6 Quid si defunctus sepeliatur in oratorio Confraternitatis.
- 7 Locorum consuetudo attenditur quo ad quantitatem quartæ funeralis.
- 8 An Regulares teneantur soluere huiusmodi quartam, & n. 9.
- 10 Solutiones ex causa huiusmodi quartæ à Monachis particularibus factæ non præiudicant monasterio.
- 11 An valeant compositiones factæ inter Religiosos, & Parochos super iuribus parochialibus.

### CAP. XIII.

#### De quarta funerali.

**D**ecreuit Sancta Tridentina Synodus *sess. 25. de res. cap. 13.* vt quibuscunque in locis iam ante annos 40. Quarta, quæ funeraliũ dicitur, cathedrali, aut parochiali ecclesiæ solita esset persolui, ac postea fuerit ex quocũq. priuile. alijs monasterijs, Hospitalibus, aut quibuscunque locis pijs concessa, eadem posthac integro iure, & eadem portione, quæ antea solebat Cathedrali, seu parochiali ecclesiæ persoluator non obstantibus concessionibus, gratis, priuilegijs etiam mari magno nuncupatis, aut alijs quibuscunque.

Pro faciliiori autem intelligentia notandum est 1. quod quarta funeralis est certa bonorum portio ecclesiæ parochiali debita propter ministerium sacramentorum *cap. 1. de sepult.* quæ quidẽ olim debebatur de omnibus, quæ obueiebant ratione funeris, & de omnibus legatis factis ecclesiæ etiam Regularium, ad quam quis eligebat sepulturã *c. in nostrã de sepult. Clem. dudum §. verum eod. tit. Sylu. in ver. Canonica portio q. 19. vsu tamen, & consuetudine generali ad quartam funeralium restricta fuit Gard. in d. clem. dudum §. verum Couar. in cap. syn. nu. 6. de Testam. Molin.*



*Molin. de iust. & iur. tract. 2. disp. 217. Rodrig. qq. reg. tom. 1. q. 39. art. 2. in fin. quos refert, & sequitur Rota in causa Elnen. Iurium parochialium 6. Junij 1631. coram Queipo relat. per Dian. par. 7. post tract. 12. & ideo huiusmodi quarta consistit tantum in cera, & alijs oblationibus, quæ deferuntur tempore, quo defunctorum corpora ad sepulturam deferri contigerit, ut declaravit sanctæ memoriæ Pius V. 17. Kal. Iulij 1567. prout refert Lezan. in sum. to. 4. ver. Quarta funeralis n. 7. Rota in d. Elnen. Iurium parochialium ubi etiam dicitur, quod de ea tantum loquitur Conciliū Tridentinum d. sess. 25. cap. 13. non tamen debetur quarta de Candelis, quas in manibus deferunt Religiosi, neque de cereis Confraternitatum secularium, aut piorum locorum associantium funera extraneis interuentas §. porrò de Privil. Ricc. in Prax. for. eccles. p. 3. ref. 337. Lezan. loco cit. in ver. quarta funeralis n. 7. Sorb. in ver. Canonica portio n. 6. Sylu. eod. ver. in fin.*

4 Quare sub nomine funeralium veniunt cerei, qui circa crucem, vel cadaver deferri solent, maces omnis, quæ supra corpus constituitur, pannus siue laneus, siue sericeus, siue auro contextus, quo feretrum tegitur, & omnia quæ cū funere computantur, & pro illo in ecclesia preparantur, siue alias effertur, ut in d. extraneas. Inter canctas §. porrò de Privil. glos. in clem. dudum ver. funeralibus de sepult. Lezan. loco cit. Ricc. in Prax. for. eccles. p. 4. ref. 301.

5 Ea etiam sub nomine funeralium

continentur, quæ occasione funeris deueniunt, etiam postquam corpus fuerit in terra reconditū & vsque ad 30. diem, & quando sit memoria de funere Barbof. de offic. Paroch. cap. 25. n. 27. ubi dicitur ita de consuetudine seruari & ideo, huiusmodi quarta Parocho debetur ex funeralibus sequenti die post funus solemniori pompa factis, quamuis ei funeris die data fuerit candelarum, & facum quarta, ut censuit Sac. Cong. Episcop. & Regul. 3. Augusti 1621. teste Barbof. ubi supra num. 38.

6 Hæc autem non debentur Cappellano oratorij, seu Confraternitatum, si forte defunctum ibi sepeliri contingat: sed debentur tantum ecclesiæ parochiali Rota in Borgomen. funeralium 7. Noueb. 1594. coram Card. Mantico. quam refert Ricc. d. p. 4. ref. 301.

7 Notandum 2 quod licet hæc portio dicatur quarta, tamen canones non concordant in quota: nam alij dicunt esse quartam, alij tertiam, alij medietatem glos. in cap. cum olim in ver. quarta omnium de Censib. Card. Canalex. decis. 247. n. 2. & ideo quoad hoc locorum consuetudo est seruanda Piasc. in Prax. Episc. par. 2. cap. 5. nu. 36. verf. quota ant. & in vrbe Parochi medietatem percipiunt candelarum, & intortitorum, quæ in ecclesijs etiam regularium circa funera accenduntur ex decreto Congregationis RR. Prefectorum urb. approbato ab Urbano VIII. die 21. Martij 1629. prout refert Barbof. de offi. Paroch. cap. 25. n. 42.

8 Notandum 3. quod regulares per



per priuilegia Sedis Apostolica eximuntur ab omni quarta præterquã funeralium propriè, idest concomitantium funus ex Constitutione Sixti I V. quam refert Sylu. in ver. Canonica portio in fin. & ita etiam statuit Pius V. prout refert Rota in d. Elnen. Iurium parochialium. & quamuis Sorb. in ver. canonica portio, referrat, Nicholaum V. fratribus Carmelitanis indulgisse, vt nec etiam de funeralibus oblationibus teneantur soluere quartã, vel canonicam portionem, huic tamen constitutioni Nicolai derogatum esse in hac parte per constitutionem Pij V. supra relata[m] dicit Lezan. loco cit. in ver. Quarta funeralis nũ. 7.

9. Notandum 4. quod Doctores duo copulatiuè requirunt ad hoc vt Regulares comprehendantur sub dispositione Concilij d. sess. 25. cap. 13. videlicet, quod monasterium sit fundatum ante 40. annos ante Concilij publicationem, & quod esset solitum persoluere quartam; ex quo inferunt, quod monasteria fundata ante concilium citra 40. annos, vel post Concilium, aut quæ in dies ædificantur, vel ædificabuntur, non tenentur soluere huiusmodi quartam, dummodò talia monasteria sint eius Religionis, cui à Sede Apostolica sit indultum, vt quartam funeralem soluere non debeat, aut eis ab eadem sede communicata fuerint priuilegia earum Religionum, quæ ab huiusmodi quarta eximuntur, ita Rodriq. qq. reg. tom. 1. q. 39. art. 2.

Mirand. in Man. 10. 2. q. 48. art. 7. Ioann. de Cruc. de Stat. Religion. h. 2. cap. 9. dub. 5. Portell. in dub. Regul. ver. canonica portio num. 1. & seq. Nald. in Sum. ver. Sepultura nu. 1. quos refert, & sequitur Lezan. in Sum. tom. 4. d. ver. Quarta funerals num. 5. & ita etiam declarauit Pius V. in Constit. incip. Etsi Medicantium, quam refert Barbof. de offic. & pot. Paroch. cap. 25. n. 14. Lezan. vbi supra num. 6. & tenuit Rota in Licien. Quarta funeraliũ 15. Ian. 1618. coram Cocino, vt refert Ricc. in prax. for. eccles. p. 3. ref. 336. Barbof. de offic. & pot. Epif. par. 3. alleg. 86. numer. 17. & seq. Lezan. loco citat. numer. 6. & censuit etiam Sac. Cong. apud Quar. in ver. Priuilegia Regularium vers. aliam declarationem Rot. in Licien. Quarta 27. Iunii 1642. coram Rojas quam refert Dian. p. 7. post tract. 12. & refertur etiam inter Decis. nouissim. Diuers. par. 4. decis. 20.

Hæc autem Pij V. constitutio in hoc nõ est reuocata à Greg. XIII. per aliam constitutionem, quæ incip. In tanta, quia Gregorius solum reuocauit præfatam constitutionem Pij V. quatenus per ipsam conceditur aliquid contrarium decretis Concilij Tridentini, non autem quatenus ipsa declarantur Rota in d. Licien. & in Tarentin. Quarta funeralis 5. Decembris 1629. coram Quicipo apud Diã. loco cit. & notat. etiam Barbof. de offic. Paroch. d. cap. 25. num. 14. Lezan. in ver. Quarta funeralis n. 6. vbi id etiam probat, ex decisione Sac. Congregationis, & ex Constitutio-



tutione Pauli V. incip. *Decret. Romanum.*

Addit Portel: quem refert, & sequitur Lezan. ubi supra num. 8. contra Nouarin Lucer. Regul. ver. quarta num. 1. quod hæc locum habent etiam in monasterijs monialium, quia Pius V. in d. Constitutione ipsarum expressè meminit.

Observant etiam Doctores, quod Concilium d. cap. 13. loquitur de Priuilegijs concessis à 40. annis citra; & idè non procedit in priuilegijs antiquissimis concessis ante 40. annos ante Conciliū, siue illius publicationem, quibus per dictum decretum nõ fuit derogatum, & ita censuit Sac. Cong. teste Quarant. loco cit. vers. *quasi scã alias Rota in Hispanen. Quarta funeralium 4. Iulij 1590. coram Pamphilio, & ita etiam declarasse Rota Quintum dixit Rota in Tarentin. Quarta funeralis 5. Decembr. 1629 coram Queipo, prout refert Diana loco cit.*

10 Notandum 5. quod solutiones ex causa huiusmodi quartæ à monachis particularibus factæ non præiudicant successoribus, seu monasterio; quia monachi particulares non possunt renunciare priuilegio toti ordini concesso Rot. in d. *Hispal. Quarta funeraliū 4. Iulij 1590. coram Pamphilio.* valida tamen sunt compositiones

11 super iuribus parochialibus factæ inter Prælatos conuentuales, & Parochos, etiam si fiant absque licentia Superiorum Prouincialium, & Generalium; dummodò sint licite, & fiant cum consensu Con-

uentus, nec irritentur per sequens Capitulum generale, vel prouinciale, ut dicunt Doctores, quos refert, & sequitur Barbof. de off. Paroch. d. cap. 25. num. 34. ubi id probat ex decreto Leonis X. in Concilio Lateranen. & colligitur etiã ex constitutione Sixti IV. quam refert Sorb. loco cit. num. 6.

Notandum 6. quod Tertiarie, 12 quas de pœnitentiã, seu Bizzocas vocant, quartam funeralem de iure soluere debent, tum quia possunt alibi sibi eligere sepulturam extra ecclesias Religionis ex decreto Sac. Cong. Episcop. & Regul. apud Lauor. var. elucid. to. 1. tit. 2. cap. 11. num. 103. tum quia tales non sunt veræ religiofæ, ex quo non vouent solemniter tria vota, ut d. Cordub. apud Sorb. in per. Tertiarij. vers. *quoad resolutionem*: Vnde non possunt Regulares Eucharistiæ Sacramentum die Paschatis resurrectionis eis ministrare, sicuti neque sacramentum pœnitentiæ, nisi fuerint ab ordinario loci approbati ad confessiones personarum sæcularium audiendas, ut eadem Sac. Congr. declarauit. Quare cum ab ecclesia parochiali recipiant ecclesiastica sacramenta, consequenter quartam funeralem soluere debent cap. 1. de sepult. cap. cum quis eod. tit. in 6.

#### S V M M A R I V M.

- 1 An missa celebrari possit in priuatis oratorijs de licentia Episcopi.
- 2 An priuilegia Regularium, qui-

P bus